

REGLUGERÐ

um notkun og bann við notkun tiltekinna efna við meðhöndlun á textíl- og leðurvörum.

1. gr.

Markmið reglugerðar þessarar er að takmarka notkun tiltekinna efnasambanda sem geta verið hættuleg heilsu manna eða haft eituráhrif á lífríki í vatni.

2. gr.

Óheimilt er að meðhöndla textílvörur, svo sem föt, undirföt og lín, með eldtefjandi efnum sem talin eru upp í 1. viðauka, ef ætla má að vörurnar geti komist í snertingu við höfund.

Óheimilt er að selja eða flytja inn textílvörur, sbr. 1. mgr., sem meðhöndlaðar hafa verið með eldtefjandi efnum, sbr. 1. viðauka.

3. gr.

Óheimilt er að flytja inn, selja eða nota asólitarefni, sem talin eru upp í 2. viðauka, sem litarefni í textíl- og leðurvörur hvort sem er á hreinu formi eða í efnavöru þar sem styrkur asólitarefnisins er hærri en 0,1%¹.

4. gr.

Óheimilt er að nota asólitarefni í textíl- og leðurvörur, sbr. 3. viðauka, sem ætla má að geti komist í beina og langvarandi snertingu við höfund eða munn ef efnin geta brotnað niður í eitthvert þeirra arómatísku amína sem talin eru upp í 4. viðauka. Þetta á við þegar styrkur niðurbrotsefna er yfir 30 ppm². Mæling skal gerð með viðurkenndri prófunaraðferð, sbr. 5. viðauka.

Óheimilt er að selja eða flytja inn textíl- og leðurvörur sem litaðar hafa verið með asólitarefnum ef þær uppfylla ekki þau skilyrði sem sett eru fram í 1. mgr.

5. gr.

Óheimilt er að nota kvikasilfurssambönd í slitþolnar textílvörur og garn ætlað í framleiðslu þeirra.

Óheimilt er að flytja inn eða selja garn og textílvörur sem meðhöndlaðar hafa verið með kvikasilfurssamböndum.

6. gr.

Óheimilt er að framleiða, flytja inn, selja eða nota efni og efnavörur, sem í er meira en 0,1% af pentaklórénóli (PCP), til gegndreyppingar trefja og slitþolinnna textílvára.

Óheimilt er að nota trefjar og slitþolnar textílvörur, svo sem fatnað, áklæði eða teppi, sem gegndreyptar hafa verið með PCP sbr. 1. mgr.

7. gr.

Heilbrigðiseftirlit sveitarfélaga, undir yfirumsjón Umhverfisstofnunar, hefur eftirlit með framkvæmd þessarar reglugerðar.

¹ Hlutfall miðað við þyngd.

² Hluti af milljón (miðað við þyngd).

8. gr.

Með brot gegn ákvæðum reglugerðar þessarar skal farið samkvæmt 26. gr. laga nr. 52/1988, um eiturefni og hættuleg efni, nema þyngri refsing liggji við samkvæmt öðrum lögum.

9. gr.

Reglugerð þessi er sett með stoð í 18. gr. laga nr. 52/1988, um eiturefni og hættuleg efni.

Einnig er höfð hliðsjón af ákvæðum 4. t. l. XV. kafla II. viðauka samningsins um Evrópska efnahagssvæðið, tilskipun 76/769/EBE, um samræmingu ákvæða í lögum og stjórnsýslufyrirmælum aðildarríkjanna varðandi takmörkun á sölu og notkun tiltekinna skaðlegra efna og efnablandna ásamt breytingum í tilskipunum 79/663/EBE, 83/264/EBE, 89/677/EBE, 91/173/EBE, 1999/51/EB, 2002/61/EB og 2003/3/EB.

Reglugerðin öðlast gildi við birtingu. Frá sama tíma fellur úr gildi reglugerð nr. 419/2000, um notkun og bann við notkun tiltekinna efna við meðhöndlun á textílvörum.

Ákvæði til bráðabirgða.

I.

Ákvæði 3. gr. taka ekki gildi fyrr en 30. júní 2004.

II.

Þrátt fyrir ákvæði 2. mgr. 4. gr. er heimilt að nota og markaðssetja textílvörur úr endurunnum trefjum ef styrkur þeirra niðurbrotsefna sem talin eru upp í 4. viðauka er lægri en 70 ppm og ef þau má rekja til fyrri litunar á sömu trefjum. Þessi undanþága gildir til 1. janúar 2005.

Umhverfisstjórnuneytinu, 6. október 2003.

F. h. r.

Magnús Jóhannesson.

Sigríður Auður Arnardóttir.

1. VIÐAUKI
Eldtefjandi efni.

	CAS númer	EB númer
tris(2,3-díbrómprópýl)fosfat (TRIS)	126-72-7	204-799-9
tris(1-asiridínýl)fosfínnoxíð (TEPA)	545-55-1	208-892-5
pólýbrómbífenýl (PBB)	59536-65-1	-

2. VIÐAUKI
Asólitarefni.

	CAS númer	EB númer	Raðnúmer
Blanda: dínatríum(6-(4-anisidínó)-3-súlfónató-2-(3,5-dínitró-2-oxídófenýlasó)-1-naftólató)(1-(5-klór-2-oxídófenýlasó)-2-naftólató)krómat(1-) og trínatríumbis(6-(4-anisidínó)-3-súlfónató-2-(3,5-dínitró-2-oxídófenýlasó)-1-naftólató)krómat(1-)	Ekki úthlutað	405-665-4	611-070-00-2
	1. þáttur: $C_{39}H_{23}ClCrN_7O_{12}S \cdot 2Na$ 118685-33-9	-	-
	2. þáttur: $C_{46}H_{30}CrN_{10}O_{20}S_2 \cdot 3Na$	-	-

3. VIÐAUKI
Leiðbeinandi listi yfir textíl- og leðurvörur.

- Fatnaður, lín, handklæði, hártoppar, hárkollur, hattar, taubleiur og aðrar hreinlætisvörur, svefnpokar.
- Skór, hanskar, úlnliðsólur, handtöskur, buddur/veski, skjalatöskur, stólaáklæði, axlar-töskur.
- Tau- eða leðurleikföng og leikföng sem eru að hluta til gerð úr leðri eða textílvörum.
- Garn og álnavara, ætlað fyrir almenning.

4. VIÐAUKI
Arómátísk amín - niðurbrotsefni asólitarefna.

	CAS númer	EB númer	Raðnúmer
4-amínóasóbensen	60-09-3	200-453-6	611-008-00-4
bensidín	92-87-5	202-199-1	612-042-00-2
bífenýl-4-ýlamín 4-amínóbífenýlxenýlamín	92-67-1	202-177-1	612-072-00-6
2,2'-díklór-4,4'-metýlendíanilín 4,4'-metýlenbis(2-klóranilín)	101-14-4	202-918-9	612-078-00-9
3,3'-díklórbensidín 3,3'-díklórbífenýl-4,4'-ýlendíamín	91-94-1	202-109-0	612-068-00-4
3,3'-dímetoxybensidín o-díanisidín	119-90-4	204-355-4	612-036-00-X
3,3'-dímetýlbensidín o-tólídín	119-93-7	204-358-0	612-041-00-7
4-klóranilín	106-47-8	203-401-0	612-137-00-9
4-klór-o-tólúidín	95-69-2	202-441-6	
4,4'-metýlendí-o-tolúidín	838-88-0	212-658-8	612-085-00-7
2-metoxýanilín o-anisidín	90-04-0	201-963-1	612-035-00-4
4-metoxý-m-fenýlendíamín	615-05-4	210-406-1	
6-metoxý-m-tólúidín	120-71-8	204-419-1	
4,4'-metýlendíanilín 4,4'-díamínódifenylymetan	101-77-9	202-974-4	612-051-00-1
4-metýl-m-fenýlendíamín	95-80-7	202-453-1	612-099-00-3
2-naftýlamín	91-59-8	202-080-4	612-022-00-3
5-nítró-o-tólúidín	99-55-8	202-765-8	
4,4'-oxýdíanilín	101-80-4	202-977-0	
o-tólúidín	95-53-4	202-429-0	612-091-00-X
4-o-tólýlasó-o-tólúidín o-amínóasótólúen 4-amínó-2',3-dímetýlasóbensen	97-56-3	202-591-2	611-006-00-3
2,4,5-trímetylanilín	137-17-7	205-282-0	
4,4'-píódíanilín	139-65-1	205-370-9	

5. VIÐAUKI
Arómátísk amín - niðurbrotsefni asólitarefna.

Þar til samþykkt hefur verið stöðluð greiningaraðferð skal nota þýska greiningaraðferð eða aðra sambærilega. Þýska aðferðin er birt í: *Amtliche Sammlung von Analysenmethoden nach § 35 des Lebensmittel- und Bedarfsgegenstandegesetzes, Methode B-82.02, Blatt 2 und 4. ISBN 3-410-11220-0.*